

錦繡萬花谷

六

舊刊錦繡萬花谷

八冊

錦繡萬花谷卷之四

元日

白獸樽

魏正旦元會設白獸樽於殿庭有人能獻直言發樽飲酒

通典

晉書

放鳩生

漢地里滎陽有厄井沛公避項羽處時雙鳩集井上故漢世正旦放之又孔叢子云邯鄲人正旦獻鳩於趙簡子曰正旦放生恩也

椒花頌

晉劉臻妻元日獻椒花頌

晉六十六

栢葉銘

周庚信

服桃湯

荆楚記

進椒酒

崔寔月令

仙木

白氏六帖

羽觴

晉荀勗

說經奪席

漢武帝正旦命群臣說經不通者奪席戴馮乃獨坐三十餘席

東觀記

坐覓孟嘉

庾亮元規正旦大會州府人士河南褚裒問亮江州有孟嘉其人何在亮曰在坐卿但自覓之裒歷觀遂指嘉謂亮曰將無是耶亮笑曰喜裒之得嘉奇嘉為裒之所得

陶淵明集



有商人過青湖見青湖君君問所欲云但乞如願
君許之得一婢有所求如願悉能致之後正旦如
願起晚商人撻之如願走入糞壤中不見今人以
細繩繫木偶投糞掃中云令如願荆楚歲記又戴
歐明每過彭蠡湖有禮青湖君感之贈以如願
異記錄

人日

七日為人

正月一日為雞二日為狗三日為猪四日為羊五
日為牛六日為馬七日為人北史魏收傳又東方
朔占書云歲後八日是云其日晴所主之物育陰
則災

陰時

元日至人日未有不陰時老杜

真七葉

青陽肇景龍記

梅花粧

武帝壽陽公主人日梅花落額上成五色後人效
成梅花粧

鏤金董勛

剪綵

人日以七種菜為美剪綵為人或鏤金為人以貼
屏風荆楚記

折七松

董勛答問歲首折松枝男七女二以為藥飲之

初

學記

決八風

漢魏占候正月旦決八風風從南來大旱西南小旱西方有兵西北亘成北方中歲東北為上歲東方大水東南疾疫歲惡八風常與其對課多勝少以勝亟疾勝徐

漢天文志

辛盤風土記

爆竹荆楚記

飲暑酥

元日被除不祥之具如桃枝葦索磔雞之類是也飲暑酥酒所以袪瘟穰惡其法必自幼飲何也董勛曰少者得歲故先酒賀之老者失歲故後與酒韻語陽秋又元日進椒栢酒從少至老飲之今暑酥酒其遺語也詩云但把窮愁博長健不辭最後飲暑酥坡詩

開元沈約 宋書

獻壽杜甫

三朝前漢禮樂志

三元玉燭典寶

履端晉熊遠

肇祚何充

啓節晉傅充妻辛氏

畫雞荆楚歲時記

鞭聰明唐元稹

如願婢

銘山 述征記

飲爵 壽陽記

陳氏進儀 晉劉臻妻

題詩寄草堂

人日題詩寄草堂遙憐故人思故鄉柳條弄色不可見梅花滿枝空斷腸 杜寄高適

晨最靈

金花 杜甫

西山 李充

煎餅 述征記

清輝閣

景龍記三年正月七日上御清輝閣令學士賦詩

鄭公歸 唐劉竦傳

上元

祠太乙 史

造大蛾 金門事節

食芋節 影灯記

傳柑

鶴林遊

趙嘏浙人有美妾泊計偕母不許携行會上元為鶴林之遊帥見之掩為已有明年嘏榮歸以詩感之曰寂寞堂前日又曛陽臺去作不歸雲當時聞作沙吒利今日青娥屬使君帥聞遣歸 古今詩話

漁陽摻

彌衡字正平被魏武帝謫為鼓吏正月半試鼓衡陽援桴作衡陽摻淵淵有金石之聲 本傳

百枝燈 開元遺事

千炬燭 楊國忠

玉漏催 蘇味道

銀花合 蘇味道

燈樓

巧匠毛順上元為玄宗於上陽宮庭建燈樓一百五十尺懸以珠玉風至鏘然成韻歲華紀麗

光壁殿

陳後主有光壁殿上元遙詠山燈詩 筆談

落釵 張蕭遠

李摹偷曲

明皇幸上陽宮夜新番一曲明夕正月十五日潛遊忽聞酒樓上有笛奏前夕所番曲大駭之密捕笛者詰之自云其夕於天津橋上翫月聞宮中奏

曲愛其聲遂以爪畫譜記之即長安少年李摹也

元稹連唱宮詞云李摹擲笛旁宮墻偷得新番數

聲曲 連昌詞注

鐵馬響冰

前年侍玉輦端門萬枝燈壁月掛呆魚珠星綴觚稜去年中山府老病亦霄興牙旗穿夜市鐵馬響春冰 東坡

為踏歌 唐輩下

七香車 王維詩

探官 開元遺事

放雉 司空圖

祭門 荆楚記

撚燈 盤經

詩

十萬人家火燭光門門開處見紅粧歌鍾喧夜銅
漏暗羅綺滿階塵土香星宿別從天上出蓮花不
向水中芳

張蕭遠

雪消華月滿仙臺萬燭當樓寶

扇開雙鳳雲中扶輦下六鰲海上駕山來

王珪字禹玉

多少樓臺好風月樂聲香氣更無空

石曼卿

天醉

笙歌外風香羅綺餘

同上

春風來海上明月在江

頭燈火家家市笙歌處處樓

樂天

玉作芙蓉院院

明博山香度小崢嶸莫言水北人稀到也有盤姍

勃萃行

韓子蒼

期人未至情如海穿市歸來月滿軒

天碧銀河欲下來月華如水浸樓臺誰將萬斛金

冷齋夜話

蓮子撒向皇都五夜開

端午

端午

鑄龍鏡

天寶中揚州進水心鏡背有盤龍先有老人自稱
姓龍名護至鑄鏡所三日開戶已失所在鏡匠移
爐置船以五月五日於揚子江心鑄之背龍頗異
後大旱祠龍乃大雨

異聞集

賜梟羹

樂書注漢令郡國賜梟五月五日為梟羹賜百官
以惡鳥故食之也

郊祀志

辟兵符

或問辟五兵之道抱朴子曰以五月五日着赤靈符於心

鬪百草

端午日四民鬪百草今人又有鬪百草之戲荆楚記

剪靈運鬚

劉公嘉話云晉謝靈運鬚美臨刑因施為南海祇洹寺維磨詰像鬚唐中宗朝安樂公主五日鬪百草欲廣其物令馳驛取之又恐為它所得因剪棄其餘故黃朝英云因笑唐家公主駭預令馳驛剪祇洹青箱雜記

曹娥抱父尸

曹娥父以五月五日溺死娥循江號哭七日遂投江三日抱父屍俱出異苑

崔信明生

唐崔信明五月五日出生方中有異雀鳴集庭柱太史令史良占曰五日為火火主離離為文日中文之盛也雀五色而鳴此兒將以文顯本傳

孟嘗君

齊田嬰賤妾有子名文五月五日生嬰告母曰勿舉也其母竊舉之及長其母因兄弟而見其子嬰怒曰吾令若去此子而取之何也文頓首因曰君所以不舉五月子者何故嬰曰五月子者長與戶

齊將不利其父母文曰人生受命於天乎受命於
戶乎嬰默然文曰必受命於戶則可高其戶耳人
誰至者嬰曰子休矣後文立是為孟嘗君

胡廣生

胡廣字伯始本姓黃以五月五日生惡之甕盛弃
江中胡公見收養之為己子 世說一

王鳳生

王鳳以五月五日生父欲不舉曰俗諺舉五日之
子及戶則自害不則害父母其叔父曰昔田文以
此日生後為孟嘗君非不祥也 西京雜記

溺死

屈原以五月五日自投汨羅死後人以舟楫救之
遂成俗為競渡也

水馬浮江

黃朝英詩孟君此日鐘英氣王鳳今朝襲慶源五
色呈祥文必顯丙時先誕位非尊蘭湯備浴傳荆
俗水馬浮江吊屈原因笑唐家公主駮預令馳驛
剪祗洹 青箱雜記又見前

祠陳 漢陳臨傳

祭屈 續齊諧記

浴蘭 青箱雜記

懸艾 荆楚歲記

七夕

王方平詣蔡經家

仙人王遠字方平位爲摠真真人七月七日偶降
蔡經家威儀如大將軍持玉壺十二皆以蠟封遣
人招麻姑麻姑至指瓜長數寸經見之意可以爬
癢忽有鐵鞭鞭經背有陳縣尉聞經家有神人乞
見遠曰君心邪未可以教仙道以一符與陳可以
存本壽陳後一百二十歲而死神仙傳

黃姑

五臺新詠載詠歌曰東飛伯勞西飛燕黃姑織女
長相見牽牛謂之河鼓河鼓聲轉而爲黃姑也注本
織女失侍兒

秦併六國時太白星竊織女侍兒梁玉清衛承莊
逃入衛城小仙洞四十六日不出天帝怒命五岳
搜捕太白歸位衛承莊逃焉玉清子名子休玉清
謫於北斗下常舂其子配與河伯行雨獨異志

方朔窺王母

七月七日西王母降漢武帝東方朔於朱雀牕中
窺王母時母以桃七枚獻帝帝欲留核種之王母
笑曰此挑一千年生花一千年結實指方朔曰此
兒三偷挑矣帝內傳

長生殿私語

唐元宗與楊貴妃避暑驪山宮七月牛女相見之
夕夜半妃獨侍上上凭肩密相誓心願世世爲夫

婦故長恨詞曰七月七日長生殿夜半無人私語
時在天願為比翼鳥在地願為連理枝

竇后神光

竇后少小頭禿不為家人所齒遇七夕日人皆看
織女獨不許出乃有神光照室為后瑞

后傳

開襟樓

漢綵女七夕皆穿針於開襟樓

西京雜記

王喬乘白鶴

王子喬曰七月七日待於緱山頭其家候之至日
果乘白鶴於山頭望之不可到舉首謝時人而去

列仙傳

騎赤龍

桃安公時諺曰安公安公與天通七月七日迎女
以赤龍至時安公騎赤龍而去後隱逸

同上

九微火

仙車駐七襄鳳駕出天潢月映九微火風吹百和
香

何遜七夕詩

七香車

見後李義山詩

真如得雲寶

唐開元中有李氏為尼號曰真如天寶七年七月
七日忽見五色雲墜地一囊中有五物乃寶玉也

肅宗元年真如爲神人召往化城見天帝授以八寶俾獻于朝真如乃併前五物皆獻之唐寶記

詩

人間一葉梧桐飄
葶收行秋回斗杓
神官召集役靈鵲
直渡銀河雲作橋
河東美人天帝子
機杼年年勞玉指
織成雲霧紫黃衣
辛苦無歡容不理
帝憐獨居無與娛
河西嫁與牽牛夫
自從嫁後廢織衽
綠鬢雲鬟朝暮梳
貪歡不歸天帝怒
謫歸却踏來時路
但令一歲一相見
七月七日橋邊渡
別多會少知奈何
却憶從前恩愛多
忽忽萬事說不盡
燭龍已駕隨羲和
橋邊靈官曉催發
令嚴不管輕

離別空將雨淡作滂沱
淚痕有盡愁無歇
我言織女君休歎
天地無窮會相見
猶勝姮娥不嫁人
夜夜孤眠廣寒殿
文潛六幕西回斗轉車
鮮雲點綴玉鈎斜
天孫已渡黃姑渚
阿母還來漢帝家
楊大年雲意不交天更闊
星光不動漢空流
素娥青女

曾無匹霜月亭亭各自愁
石曼卿玉殿凭肩共語

時風清月墜有誰知
梧桐秋雨三山遠
始信生前有別離
倪濤七夕今宵看碧霄
牽牛織女渡河橋

家家乞巧望秋月
穿盡紅絲幾萬條
林傑盈盈一

水不斯須須經歲
相過自作踈豈待
翔禽報佳會
徑須飛過洗香車
超騰水部陳篇上
收拾愚溪作賦

餘后山年年乞與人間巧不道人間巧已多楊朴
唯愁更漏促離別在明朝僧清江恐是仙家好別
離故教迢遞作佳期由來碧落銀河畔可要金風
玉露時清漏催移相望久微雲未接過來遲豈能
無意酬烏鵲唯有蜘蛛乞巧絲李義山已駕七香
車心心待曉霞風輕唯響佩日暮不嫣花挂嫩傳
香遠榆高送影斜成都過卜肆曾是識靈槎同上

中秋

登天柱峰

趙知微有道術中秋積陰不解衆惜良辰知微曰
可備酒穀登天柱峯翫月既出門天色開霽及登
峯月色如晝及下山歸則淒風苦雨陰晦如故三

水小牘

武夷君合樂

武夷山神號武夷君一日語村人曰汝等以八月
十五日會山頂是日畢集聞空中人聲不見其形
須臾樂響但見樂器不見其人諸山記

取月置懷

唐太和中周生善道術方中秋日客來周曰我
能挈月置之懷袖因取數百斤繩而架之我將此
梯取月乃閉目久之忽天地黑仰視無雲俄呼曰
至矣手取其衣出月寸許一室盡明寒入肌骨食

頃如初 宣室志

有月珠多

海賈云中秋有月則是歲珠多 坡詩注

不見折足鐺

周貫自號木鴈子至袁州見李生秀韻次携歸林下李嗜酒色難其行周指煮藥鐺作偈曰頑鈍天教合作鐺從初三脚豈能行雖然有耳不能聽只愛人間戀火坑後有人見於京師附書與李生云明年中秋夕當上謁至時生以事出貫乃以白土書其門曰今年中秋夕來赴去年約不見折足鐺彈指空剝剝 冷齋夜話

三字來

何中正登筮求卜於郭從周贈之詩云三字來時月正圓一麾從此出秦關何後以八月十五日授知制誥言邊事忤旨出知秦州 翰苑名談

金背蝦蟇

長慶中八月十五日夜有人玩月見林中光屬天如匹布尋視之見一金背蝦蟇 百陽雜俎

詩

暮雲收盡溢清寒銀漢無聲轉玉盤此宵此景不長好明月明年何處看 明月未出羣山高瑞光千丈生白毫一盃未盡銀闈湧亂雲脫壞如崩濤

誰爲天工洗眸子應費銀河千斛水東坡風簾浙
浙漏銀痕一半秋光此夕分天爲素娥孀怨苦併
教西北起浮雲羅隱中秋不見月高秋渾似水萬
里正圓明玉兔步虛碧冰輪碾太清廣寒宮有路
桂子落無聲吾館無弦彈棲鳥莫要驚靈原夫人
九十日秋色今朝已中分孤光含列宿四面絕纖
雲衆木排踈影寒流疊細紋廖凝

重陽

沙苑射鴈

唐明皇重陽日獵于沙苑有鴈飛帝射中之鴈帶
箭西南而去益州道觀第一院有道士徐佐卿寄

寓一日自外持一箭來曰吾行山中爲飛箭所傷
已無恙因掛箭于壁書其月日且云此後十年箭
主到此付之後明皇幸蜀至此觀乃見箭廣異記

鶴林開花

山石榴一名山躑躅一名杜鵑花潤州鶴林寺有
杜鵑花或見女子紅裳艷粧遊於花下俗傳花神
也周寶鎮浙西謂道人殷七七曰鶴林寺花可開
副重九乎曰可乃前二日往女子來謂曰今爲道
者開之至九日爛熳唐宋詩話故東坡詩鶴林神
女無消息云

題東閣

李義山乃令狐楚故吏楚子綯繼相殊不展分重
陽日義山詣綯廳事題云曾共山翁把酒卮霜天
白菊正離披十年泉下無消息九日樽前有所思
莫學漢臣裁首宿還同楚客詠江籬郎君官重施
行馬東閣無由得再窺綯乃閉此廳終身不處此
牕瑣言

登響山

李白集聞九日崔侍御遊敬亭余時登響山不同
此醉後寄崔詩有云九日茱萸熟插鬢傷早白登
高望山海滿目悲古昔

本集

宴滕王閣

王勃過鍾陵九月九日都督大宴滕王閣宿命其
婿作序因出紙筆遍請客至勃泛然不辭遂酣卧
少頃成文

本傳

遊戲馬臺

劉裕爲宋公在彭城九月九日遊項羽戲馬臺

龍山落帽

孟嘉爲桓溫參軍九月九日溫遊龍山僚佐畢集
風吹嘉帽落如廁不覺溫令孫盛嘲之

嘉傳

騎臺

后山詩平林廣野騎臺飛注騎臺即戲馬臺也

佩茱飲菊

漢武帝宮人賈佩蘭九月九日佩茱萸飲菊酒云
令人長壽坡詩菊盞茱萸自古傳詩注

陸羽煎茶

僧皎然九日與陸羽煎茶羽號桑苧翁坡詩云明
年桑苧煎茶處憶着衰翁首重回

黃菊歌

唐韋綬為學士以心疾還第會九日德宗作黃菊
歌顧左右曰安可不示韋綬即遣使持往綬遽奉
和附進綬傳

高颺館

齊高祖以九日登高颺館世呼為九日臺南史

緩箭不中

唐蕭瑀不解射九月九日賜宴射瑀箭俱不着塚
歐陽詢詠之曰急風吹緩箭弱手御強弓欲高翻
復下應西還更東借問誰為此只應是宋公宋公
瑀封國也太平廣記

題糕

劉夢得欲用糕字作九日詩以五經中無之不復
為宋子京以為不然故子京有九日食糕云颺館
經霜拂曙袍糗糒餐花飲闌分曹劉郎不敢題糕字
虛負詩中一世豪遂為絕唱漢餌粉糒糕類也

重巖細菊

邵錄

小驛香醪嫩重巖細菊班遙知簇鞍馬回首白雲
間杜詩

詩

老去悲秋強自寬興來聊復為君歡羞將短髮還
吹帽笑倩傍人為正冠藍水遠從雙澗落玉山高
並兩峯寒明年此會知誰健更把茱萸子細看老

杜木落霜洲溪水清登臨滿目是飄零黃花有意
憐幽獨白酒無聊漫醉醒牢愁錯倚西風立楚些
巴歛不可聽李漢老九日東籬採菊英白衣遙見

眼能明向令自有盃中物一段風流可得成韓子
蒼豈有白衣來剝啄亦從烏帽自歌斜真成獨坐

空搔首門外蕭蕭噪暮鴉程致遠我醉欲眠君罷

休已教從事到青州鬢霜饒我三千丈詩律輸君
一百籌聞道郎君閉東閣且容老子上南樓相逢
不用忙歸去明日黃花蝶也愁東坡九日清尊欺

白髮十年為客負黃花淮海少年天下七可能無
事落烏紗右山

冬至

絡秀舉觴

晉周顛母李氏字絡秀生顛及嵩謨元帝時並列
顯位嘗冬至舉觴賜三子曰爾等並貴列吾復何
憂嵩曰恐不如尊旨顛志大才短非自全之道嵩

性直不容於世唯阿奴碌碌當在母目下耳阿奴
謨小字也後皆如其言本傳

視日晷

冬至之日立八尺之表日中視其晷晷如度者其
歲美不如度者則歲惡晷進則水晷退則旱進一
尺則日食退一尺則月食後律歷志注

會八能

後漢天子以冬夏二至御前殿會八能之士陳八
音聽樂均度禮儀志

增一線

去歲茲晨捧御床五更三點入鵷行何人錯憶窮
愁日愁日愁隨一線長注唐宮中以女工揆日之
長短冬至後繡工日增一線魯直云此說是也杜詩

一陽

冬至日易傳曰一陽為復二陽為臨三陽為泰

三極

月令章句曰有三極畫漏極短去極極遠晷景極
長後漢律歷志注

火城

冬至元日百官已集宰相列燭多至數百炬謂之
火城至則衆燭皆滅國史補

翫冰筋

唐開元冬至大雪簷溜皆爲冰條妃子使侍兒敲
二枝看玩帝問何物妃子笑曰妾所玩者冰筋也
撫遺

繡線

刺繡五紋增弱線吹葭六琯動飛灰

老杜

踐長

曹植曰冬至獻履所以迎福踐長孫仲益云踐長
光亨之始

冰如玉炭

長河夜攔千層冰如玉炭

鮑照冬至日詩

歲除

大儺侏子

侏音振逐疫之人也續漢書歲除大儺選中黃門
子弟十歲以上十二歲以下百二十人赤幘皂衣
執靴以行

東漢皇后紀

阿著娶婦

唐竇懷貞會歲除中宗宴近臣謂懷貞曰聞卿喪
妻今欲繼室可乎懷貞唯唯俄而禁中竇翁障衛
有衣翟衣出者已乃衛后乳媪所謂宮國夫人者
故蠻婢也懷貞納之不辭世謂媪婿爲阿著懷貞
每奏事輒自署皇后阿著而或謂國著軒然不慚

本傳

烹白牛分歲

長沙北禪賢和尚歲除示眾云今夜無可供養大
眾待烹箇露地白牛與諸人分歲舉猶未了有僧
出云今官中追呼和尚不合私剥耕牛兼剥皮角
賢捋下頭袖僧拾取歸眾松庵云北庵可謂孝順
翻成骨董含飯還覺面腫一物來到口邊先被旁
人抑攬松庵語錄

餽歲別歲守歲

蜀之風俗晚歲相與餽問謂之餽歲酒食相邀為
別歲至除夕達旦不眠謂之守歲東坡有三詩

赴壑蛇

欲知垂盡歲有似赴壑蛇修鱗半已沒去意誰能
遮况欲繫其尾雖勤知奈何東坡詩

詩

今歲今宵盡明年明日催寒隨一夜去春逐五更
來氣色空中改容顏暗裏衰風光人不覺已入後
園梅史青

雜日

正月二十日天穿

江東俗號正月二十日為天穿日以前餅置屋上
謂之補天穿李白詩云一枚煎餅補天穿

二月一日

唐德宗以寒食多與上巳同時欲以二月名節自我爲古李泌請廢正月晦以二月節爲中和節因賜大臣戚里尺謂之裁度民間以青囊盛百穀爪菓相問遺號獻生子里問釀宜春酒以祭勾芒神以祈豐年百官進農書以示務本帝悅乃著令與上巳九日爲三令節李泌傳注

二月望日

蜀人二月望日鬻蠶器於市因作樂縱觀謂之蠶市二蘇各有詩子猷詩序

三月三日金人捧劍羽觴隨波

晉武帝問摯虞三月曲水其義何指荅曰漢章帝時平原徐肇以月初生三女至三日俱死一村以爲怪乃招之水濱洗袂遂因流水以泛觴曲水之義起此帝曰若如此說便非嘉事東晉曰摯虞小生不足以知昔成王卜洛因流水以泛酒故逸詩曰羽觴隨波又秦昭王三日置酒曲水有金人自泉而出捧水心劍曰令君制有西夏因立爲曲水二漢相公皆爲盛事續齊諧記

登八公山

宋武帝三月三日登八公山劉安故臺曰城郭如匹帛之繞叢花也

細柳圈

景龍記三月三日袞襖於渭陽上賜羣臣細柳圈
各一云帶之免蠱毒也

四月八日洗佛

藥山四月八日見遵布衲洗佛云汝只洗得這箇
還洗得那箇遵云請將那人來山遂默然歸方丈
密印禪師曰藥山無風起浪被遵布衲一靠直得
鋒銛結舌羅麼一場印語錄

為母灌像

劉敬宣四月八日見人灌佛乃下頭上金鏡為母
灌像因悲泣不自勝本傳

四月十五日櫻筍厨

十五日自堂厨至百司厨通謂之櫻筍厨秦中歲時記

五月三日扇市

端午前兩日東市謂之扇市車馬特盛同上

五月十三日竹醉

魯直詩注云五月十三日竹醉宜栽竹辰日可種
瓜詩云夏栽醉竹餘千箇春種辰瓜滿百區

七月十五日盂蘭盆

目連以母生餓鬼中佛令作盂蘭盆至七月十五
日百味五果蓋盆中供養十方而母得食佛經

八月一日五明囊

鄧紹以八月一日入華山見一童子執五綵囊盛

柏葉上露紹問之荅曰赤松先生取以明眼又梁簡文帝云婦人八月旦多以錦翠為眼明囊凌晨取露拭目續齊諧記又述仙記云八月一日作五明囊盛百草露以洗眼雞跖集

天灸

楚俗以八月一日以朱墨點小兒額為天灸以厭疾病荆楚歲時記

腰祭

揚子曰不腰臘也敷注云八月旦也今河東奉以為祭祀也法言

八月五日千秋節

唐明皇八月五日生張說奉詔置千秋節顧况有八月五日歌云八月五日天氣新昭成太后生聖人

承露囊

隋唐舊事千秋節戚里王公進鏡綬帶士庶結承露絲囊以相遺問

十月五日赤鳳來曲

漢宮故事十月五日上靈女廟吹埴擊鼓連臂踏歌歌赤鳳來曲趙飛燕外傳

十二月十六日星回

南詔以十二月十六日為星回節是日登避風臺

而清平官賦詩畧曰自我居震旦胡衛賴稷契蓋
南詔詞臣曰清平官天子曰震旦

廣記玉編事

清明繡羽銜花

朝來新火起新煙湖色春光淨客舫繡羽銜花他
自得紅顏騎竹我無緣注繡羽眼前所見文禽銜
花也

老杜清明詩

錦繡萬花谷卷之四



